



09 APR, 2025

Bekalan elektrik, internet pulih Jumaat ini

Kosmo, Malaysia



Bekalan elektrik, internet pulih Jumaat ini

SUBANG JAYA – Bekalan elektrik di kawasan perumahan yang terjejas dalam insiden kebakaran saluran paip gas di Putra Heights dijangka pulih sepenuhnya menjelang Jumaat ini.

Exco Infrastruktur dan Pertanian Selangor, Izham Hashim berkata, kerja-kerja pemulihan sedang giat dijalankan bagi memastikan semua kawasan kembali mendapat bekalan seperti sediakala.

“Saya dimaklumkan, kalau mengikut perancangan, insya-Allah menjelang Jumaat ini bekalan elektrik akan selesai sepenuhnya, termasuk di kampung-kampung sekitar sini,” katanya pada sidang akhbar di sini semalam.

Beliau turut menjelaskan bahawa terdapat beberapa rumah yang masih belum menerima bekalan disebabkan isu pemilik rumah belum pulang ke kediaman masing-masing.

“Untuk kawasan yang bekalan sudah sampai ke meter, pemasangan akan dilakukan tetapi fuse keselamatan hanya akan dipasang apabila pemilik rumah sedia untuk kembali ke kediaman mereka.

“Sekiranya rumah itu tidak



IZHAM

selamat, bekalan tidak akan disambung,” jelasnya.

Dalam pada itu, beliau turut memaklumkan bahawa perkhidmatan komunikasi seperti internet dan bekalan gas petroleum juga akan kembali pulih menjelang Jumaat.

Katanya, ia hasil beberapa siri mesyuarat bersama pihak berkaitan.

“Siasatan sedang dijalankan secara terperinci melibatkan pelbagai pihak termasuk pakar geoteknikal dan integriti saluran paip gas.

“Kita tidak mahu sembunyi-kan apa-apa kerana ini melibatkan keselamatan,” katanya.